



Claudii Fleurii Abbatis Historia Ecclesiastica

Ab anno Christi 1561. usque ad annum 1562

Fleury, Claude

August. Vind. [u.a.], 1771

VD18 90118596

§. 87. Edictum occasione Bellovacensis seditionis promulgatum.

[urn:nbn:de:hbz:466:1-66624](https://nbn-resolving.de/urn:nbn:de:hbz:466:1-66624)

tus velut furiis agitatus per plateas dis- **Sæcul. XVI.**
 currit, nec pauci in aliquorum domos **A.C 1561.**
 involant, ipsumque Cardinalem in suo
 Palatio Episcopali cingunt, atque in vi-
 tæ discrimen adducunt: insuper sedi-
 tiosi inter alios quemdam Ludimagi-
 strum, qui pueros Calvinistarum ritu pri-
 ma Genevensis Catechisimi elementa
 docebat, corripiunt, ac sine ulteriori ju-
 dicii forma comburi jubent: postquam
 vero Episcopus per fenestras purpureo
 habitu insignis sese conspicendum de-
 derat, eorum furor statim cessabat.

§. LXXXVII.

*Edictum occasione Bellovacensis sedi-
 tionis promulgatum.*

Quamprimum Rex de hoc tumultu **Thuan. l. c.**
 certior fuerat factus, mox Franci- **Spond. ad**
 cum Montmorantium Francicæ Penin- **hunc ann.**
 sulæ Gubernatorem unacum regiis
 Præfecturæ Sylvanectensis Judicibus
 Bellovacum ablegabat, & postea quæ-
 stione in seditionis auctores habita non-
 nisi in duos est animadversum, cum ve-
 ro res prompto, ac præsentaneo reme-
 dio omnino egere videretur, hinc ad o-
 mnium Provinciarum Præfectos, nec-
 non ad supremas regni Curias diploma
 mittebatur, quo sanctum I. *Hugonotti,*
& Papistæ vocabula contra Catholicos,
 & Calvinistas contumeliose non usur-

K 2 pentur,

Sæcul. XVI. pentur, II. securitas, & honesta libertas,
A.C. 1561. qua unusquisque frui debet, nullo modo violetur; III. nullus magno, vel exiguo stipatu domos alienas superiorum edictorum, quæ cœtus illicitos prohibent, prætextu ingrediatur. IV. Illi, qui Religionis caufa, ante primum edictum pro illorum libertate conditum in carceres fuere conjecti, statim solvantur: V. qui ob eandem causam regno exceserunt a Francisci I. tempore, iis revertendi, & plena bonorum, ac corporum libertate fruendi facultas sit, dummodo Catholice, & sine ullius offensione vivant. VI. Si vero id nollent, iisdem suas facultates distrahere, atque aliqui migrare, jus sit.

Hoc tamen diploma non fuit ad acta relatum; vetuit enim Senatus, ne illud Lutetiæ Parsiorum promulgaretur, simulque contra illud apud Regem reclamabat, eoquod contra morem non ad Senatum, sed ad supremos Provinciarum Gubernatores fuisse transmissum, atque eo Religionem, quam quisque vellet, amplectendi libertas concessa videatur, cum tamen a magni Clodovæi tempore semper in regno vera duntaxat religio fuisse admissa.

§. LXXXVIII.